

vnd sonstē/ein gewaltige Schiff Armada wider des Königs in Spanien Landtschafften vnd Königreichē solte zugerüstet werden / wie eben dasselbig von den Engellendern mit grossem glück vnd vorthail etlich mal geschehen.

In dem Fröling haben sie in vnderscheidlichen Häfen vnd Stettē in Holl vnd Seelād viel Kriegsschiff. außgerüstet/vnnd vberal in den Vereinigten Niderlandē viel Bots oder Schiff vnd Kriegsvolck in dienst zu wasser angenommen.

Dieser Schiff waren etliche doppel gemacht / damit ein ferne reiß zu volbringen : andere aber waren nach gewonlicher art auff die gemeine schiffart vnd wasser zugerüstet.

Die doppel Schiff soltē den fürnemsten anschlag auff West Indien fürnehmen vnd volbringen: die andere aber solten dieselbe allein biß an die Canarische Inseln begleite / vnd etliche anschlag an selbigen vñ anderen Orten der Spanischen Königreichen ins werck stellen. Dise Schiff waren all sampt vnd sonder sehr starck / wol gezimmert / außgerüstet vnd versehen/vnd zu segeln sehr gut. Das vornemste darunder ward wegen seiner größe vnd des Orts da es gezimmert worden / das grosse Schiff von Amsterdam genent / hielt bey 500. Last / war vber die maß herrlich gezieret / gebawt / vnd zum Krieg außs best versehen vnd außgerüstet.

Vber alle dise Schiff vñ Armada ist zum Obersten vnd Admiral verordnet worden Herz Peter vñ der Does / ein dapffer / verstendiger vnd in Kriegssachen zu Wasser vnd zu Land wolerfahrner vnd geübter Herz: wie er dann solches in dem Jahr 1588. wider die Spanische Armada / allermeist aber auch in diesem gegenwertigen Zug gnugsam erwiesen. Neben

ben